

欽定剿平三省邪匪方略

欽定剿平三省邪匪方略正編卷一百九十 庚申年

七月初十日

庚寅

馬慧裕奏言

臣

於前月二十五

六等日連接寶豐邾縣稟報有匪徒在該境放

火殺人之事

臣

以事方初起人數諒必不多必

須趕緊撲捕卽商同滿漢各營抽撥官兵督率

迅往搜捕途次據署汝州蔡思育稟稱該州離

城九十里之四里營聚集匪徒焚掠所屬寶豐

邳縣之靳李莊石家窪等村並續據附近各屬  
稟報情形微有不同而各州縣拿獲賊探審訊  
咸供爲汝寶邳聯界處所曾經習教匪徒糾約  
起事似無疑義查該匪由四里營北竄寶邳石  
家窪卽向東北逃逸仍係邳縣所管地方二十  
六七八等日復由邳縣之三教堂等處折回寶  
豐之香山分爲二股焚掠翟家莊石橋營等二

十餘村莊逼脅人數日漸增多每股約有四五

百人

臣一面出示安撫良民一面差人確探該

匪現在屯聚賓鄉交界之翟家集翟窪溝紫雲

山一帶間出焚掠未能遠竄自當及時撲捕惟

是鄉縣北界禹州西接魯山嵩縣南通葉縣裕

州南召內鄉浙川山徑叢雜

臣

帶兵五百名若

由東面陡然壓逼該匪必致分投四竄兵力無

多碍難分布合圍轉恐散漫難辦並接撫臣札  
知已抽調官兵由西南兩路分頭抄殺前來飭

令臣酌量情形如兵力稍單不妨遣爲攔截勿

令遠颺俟西南兩路兵到三面湊合一齊著手

庶可迅速蒞事臣前已嚴飭西北南三面各州

縣迅速厚集鄉勇於各邊界嚴密堵截以便進

兵若撫臣未到之先各州縣集勇已全臣卽就

現有兵力揆度情形孰籌安辦斷不敢心存退縮尤不敢稍存大意又據葉縣知縣廖寅稟稱因寶邾匪徒滋事設卡盤詰拿獲著名首惡劉之協並被脅同行之冀大榮卽據指實質之劉之協亦供認從前在扶溝犯事脫逃及現由邾縣勾結今復要到陝楚各情節直認不諱已飛關扶溝縣查傳眼目質認等語查葉縣與寶邾

鄰近未便嚴禁該處致滋他虞臣已飛飭南陽

府小心管解赴省交代辦臬司事糧道何銑審

訊一面飛飭扶溝縣迅傳識認劉之協眼目赴

省實認如果的係劉之協何銑自必稟請撫臣

核奏辦理奏入

上命軍機大臣傳諭吳熊光曰汝州寶豐邾縣匪徒

聚眾滋擾現據馬慧咨奏稱已帶兵五百名適為

攔截俟西南兩路兵到三面會擊等語該藩司所  
帶兵力本單不敷進勦若卽由東面壓逼恐初仗  
未能得手轉致賊勢散漫難辦吳熊光由盧氏帶  
兵起程自西而東務須與馬慧裕併力合擊以期  
一鼓撲滅又馬慧裕奏據葉縣知縣廖寅稟稱拏  
獲著名首惡劉之協并被裔同行之冀大榮訊據  
供認不諱已解省飛傳眼目質認等語看來自當



屬實劉之協爲教匪首犯漏網已久既經孳獲自  
應解京懲治現據該藩司飭令南陽府管解赴省  
但省城祇有糧道何銑恐未能審究得實已特派  
侍郎高杞馳驛前往嚴行審訊並派乾清門侍衛  
興常佛倫保隨同前往如傳到眼目質訊確係劉  
之協卽著高杞興常佛倫保小心管押迅速解京  
倘訊非劉之協正犯卽可無庸起解興常佛倫保

亦不必卽行回京前調吉林黑龍江官兵到京後  
卽令全數赴豫該處匪徒別有裹脅或至聚集多  
人吉林黑龍江官兵素稱趨健自富全赴豫省剿  
賊定可剋期集事該省帶兵需人卽令興常佛倫  
保在彼管帶於剿捕更可得力至劉之協如果屬  
實該撫卽當出示廣爲傳播以劉之協本屬起事  
首犯川陝等省皆由該犯煽惑勾結今見川陝等

省賊已窮蹙指日殄平計窮力竭是以又在豫省  
潛行煽誘今首惡業經就獲各賊匪夥黨自必立  
時潰散現在官兵四路進剿又有索倫勁旅數千  
卽日來豫無難剋期殲除所有被賊裹脅之人若  
自知禍福速行棄械投出無論曾否從賊皆當赦  
其既往予以生全若尚執迷不悟一經大兵攻剿  
必當概就駢誅豈可爲其所愚自罹誅戮如此剴

切諭示匪徒等自必聞風解散至吉林黑龍江官  
兵應需馬匹現已諭令直隸山西督撫各辦五百  
匹迅速解聚吳熊光當於本省再爲籌辦以期應  
用無誤又拿獲劉之協之知縣廖寅如訊明劉之  
協實係正犯則該縣於漏網首惡能留心盤獲自  
當加之懋獎卽著吳熊光奏明候朕加恩並將該  
犯實係何處卡隘何人盤獲之處查明具奏以便

酌量加恩

臣等謹案從來師行戡亂必先奏擒渠之捷而後收掃孽之勲劉之協一犯本爲邪教首惡自乾隆年間逋竄稽誅已逾數載蹤跡詭秘屢緝未獲此次邪匪滋事之初卽蒙

聖明炳燭慮及該逆潛煽勾結

諭令留心嚴密偵捕茲因防堵寶邨匪徒經葉縣將

該逆盤獲俾兇渠得正刑章自此摧枯拉朽  
諸首惡以次就擒可見作慝干紀之徒必不  
能倖逃大轍而

天心佑順預兆成功實有默相於陳師鞠旅之外者矣

十一日

辛卯

明亮奏言竊

臣

挑選馬步官兵健勇

七千餘名交總兵孫清元德昌叅將吉林泰等  
於十五日跟蹤兜截賊匪務令卽在楚境殲除

臣將新到粵東官兵整頓軍裝亦卽於十九日自襄陽起程二十三日冒雨由穀城黃泥館兼程進兵途次均州屬之青石鋪接據孫清元等稟報該匪尙在孫家灣白浪等處屯聚勢極散漫因值大雨未克進兵等語是日擒獲哨探賊匪徐正元供稱徐添德與張元帥等商量從白浪西竄有溪河阻隔且鄉勇防禦甚嚴現在官

兵追殺緊急不如向房縣西南官渡竄出或回  
四川或走陝西再作計較當將該犯正法一面  
飛飭該鎮等趕緊進剿臣卽由孫家灣入山趕  
赴房縣計程尙有三百六十里星夜帶兵趕到  
以杜賊入川陝並可迎頭截擊詎行抵房縣復  
據孫清元等稟報該匪竄抵黃龍灘與該處鄉  
勇打仗賊匪卽由皮貨灘偷渡以致黃龍灘鄉



勇逃散賊匪大眾乘間搶渡過河闌入卽縣鮑  
家店西走該鎮等由小花果園一路追擊香帥

縣卽與陝省白河連界臣就近飛行陝西臬司

溫承惠總兵慶溥嚴密堵禦連夜由陳家鋪趕  
赴竹山兜截因行走過急官兵未能全數趕上

卽將竹山縣健勇挑數百名星夜趕至保豐適  
賊匪分股試探楊家山二路可由竹谿竄入平

利聞有官兵前來卽折回分水嶺二十六日正  
值孫清元德昌等一路官兵由小花果園進剿  
行抵分水嶺突遇馬步賊匪千餘名放鎗吶喊  
蜂擁衝出該鎮等督率官兵分佔左右山梁侍  
衛富翰塔津保江鼎雙福總管都富阿等帶領  
馬隊由溝內奮勇衝殺擊敗賊匪乘勝追至桃  
園地方共殺賊二百數十名內鎗斃騎馬賊日

一名兵勇切恨將屍身碎割拋棄難以辨認並  
奪得鎗刀矛旗三十六桿餘匪四散分逃訊據  
獲犯供稱賊匪大隊由唐家坪奔竄吉陽關卽  
與陝省之白河洵陽等縣犬牙相錯山勢極爲  
散漫處處可以闖入臣卽覓捷徑抄赴秦家坪

兜截行至播鼓嶺遇孫清元德昌等一路官兵

前來會合下親率

唐家坪奔竄吉陽關與陝省白河洵陽隣近果不出朕所料摺內尙稱趁此陝楚交界山勢平衍將賊匪迅速掃除可謂無耻之極看來賊匪自己竄入陝境明亮赴陝追賊之奏日內卽至矣乃摺內故作預擬之詞以見賊匪並非突然竄越冀減其截剿不力之咎此種蒼滑伎倆斷難逃朕洞鑒而明亮轉以孫清元德昌起程在先行走反致落後

爲卸過地步殊不思孫清元德昌在分水嶺桃園  
地方遇賊打仗小有斬獲而明亮由孫家灣趕至  
房縣時賊匪早已西竄相離甚遠虛此一行是明  
亮行走遲緩之咎已屬顯然尙何顏諉咎於人乎  
且楚省賊匪本交明亮督辦并令伊奏事列名在  
前則帶兵鎮將等皆聽伊調度即使孫清元德昌  
行走果屬遲緩不能迎頭攔截亦由明亮調度不

善所致況明亮所帶係額勒登保所發馬隊及粵  
東粵西新兵俱係生力勁旅且祇在楚省剿賊並  
未曾東追西擊稍有疲乏豈有任賊匪擇地而逃  
不能堵截之理若云因雨水較多道途泥濘不能  
迅速追剿何以額勒登保德楞泰兩路又能頻頻  
冒雨進攻屢次殺賊豈四川陝甘官兵獨不畏雨  
乎且楚省止有徐添德一股現在兵多於賊更無

難併力截殺迅速殲擒乃縱令賊匪竄出楚境明  
亮種種遲延玩誤之罪實屬百喙難辭著傳旨嚴  
行申飭現在明亮已帶兵追剿若能將賊匪截回  
剿盡固所深望若賊匪業經竄陝明亮當帶領德  
昌緊躡賊蹤赴陝剿辦不可將孫清元一併帶往  
現在川東竄匪苟文明竄至雲陽屬之露草壩一  
帶該處接壤大寧與楚省房縣歸巴處處可通明

亮僅派叅將曹星帶兵八百名往堵究不足恃著  
孫清元酌帶兵勇迅速回赴房縣一帶督率地方  
紳勇實力堵禦若稍有疎懈惟孫清元是問明亮  
接到此旨後卽行傳知該鎮加倍奮勉勿任川省  
賊匪竄入楚省爲要

上又命軍機大臣傳諭姜晟日前據姜晟奏楚省各  
卡隘俱經募勇防堵亦節經降旨令姜晟隨時督



飭嚴密守禦不使賊匪竄逸今賊匪徐添德等由  
皮貨灘偷渡其時黃龍灘鄉勇並未將賊匪截住  
竟各紛紛逃散賊匪得以搶渡過河可見該省鄉  
勇並未實力訓練徒糜餉項致有疎虞姜晟所辦  
何事著傳旨嚴行申飭至黃龍灘地方既設卡隘  
豈無官員在彼督率鄉勇等望賊卽散所派官員  
究在何處著姜晟查明嚴叅具奏此次明亮剿辦

徐添德未能追擊致令他竄而摺內轉稱孫清元  
德昌等先明亮起程四日行走落在明亮之後等  
語明亮之意不過欲誘咎於孫清元等自占地步  
但孫清元等在分水嶺桃園地方曾經殺賊二百  
餘名是該鎮等尙能趕上賊匪小有斬獲而明亮  
則遲走四日已屬遷延及趕程行至房縣該處並  
無賊匪復行折回迎截或因見孫清元等先行追

剿獲有小勝轉羞成怒將孫清元等叅奏以掩其  
遲緩之咎抑或孫清元等不聽明亮調度行走實  
屬遲延若姜晟查明秉公據實具奏明亮屢獲愆  
尤現在是否認真出力抑或因該處雨水過多實  
難進剿或雨水雖多並無碍於打仗而明亮有意  
遷延自以現在職分未能滿意不肯實心出力姜  
晟在彼見聞自確如明亮實有遷延情事卽當嚴

行叅奏不得以目前帶兵大員之人稍有瞻徇至  
川匪苟文明一股竄至雲陽屬之露草壩江口一  
帶該處接壤大寧與楚省房縣歸巴處處可通現  
已諭令孫清元前赴房縣一帶督兵嚴密防守姜  
晟係該省總督防堵事宜是其專責孫清元係特  
派防堵之人倘稍有疎虞姜晟孫清元不能辭罪  
也再此次賊匪徐添德竄至郧縣地方向來道員

恒慶知縣孔繼楫所帶鄆西鄉勇最爲得力何以  
明亮摺內並未提及僅飛咨慶溥溫承惠在陝堵  
禦並著姜晟查明具奏

同日

上諭內閣曰長齡著充領隊大臣管領所謂之吉林  
黑龍江兵丁前赴軍營幫同剿賊

十一日

壬辰

台布奏言

臣

查陝甘雖分兩省辦賊

同係一事是以前於戴家營伍金柱等股竄過  
兩當督臣長麟帶兵追往時卽於省局先撥銀  
二十萬兩解甘備用現在經畧大營在楊家店  
一帶駐紮攔剿雖已入甘肅地界所有軍火糧  
石以及官兵鹽菜銀兩仍係陝省寶雞鳳縣源  
源供運後起餉銀到陝應再撥銀三十萬兩解  
往以足五十萬兩之數其棧內米石如有餘剩

一併儘數運送惟人夫恐不肯遠至隔省容隴  
時再行酌辦至各股賊匪雖已西竄山內或尙  
有一二遺孽藏匿深林密箐之中均當及早搜  
捕而官兵分撥防堵尙且不敷更無從酌派查  
緝是以於大兵進棧後卽經密飭近山州縣選  
派能幹精細捕役入山搜緝拿獲人犯到官如  
果訊係真賊立即重賞今臣又與額勒登保商

酌總兵劉之仁原派在五郎石泉相近處所防堵現在川匪距石泉已遠該鎮回駐五郎可以兼司山內緝捕臣已飛咨該鎮速派弁兵實力

巡查又查粵兵一千五百名額勒登保本派在

岱森保一路臣於前次巡查時目擊該副都統

兵力最爲疲乏所駐汛地形勢散漫是以將臣

所練鄉勇盡數留交岱森保俾資分撥一面飛



催馬王魁迅速行走今臣專札飭催該鎮於  
抵興安後迅由石泉洋縣城固前至沔縣協同  
防堵漢中平原添此勁兵更臻嚴密再查前督  
臣松筠於截留川餉外曾截留甘省銀四十萬  
六千兩屢經該省軍需局核催臣自辦淨餉以  
來所請銀數均在

查明洞鑒此次賊匪入甘遵

旨撥解甘省銀五十萬兩外數能再還欠項否無

仰懇

天恩俯准將松筠所截甘省銀四十萬六千兩

勅部歸於陝省軍需項下報銷以清案牘而斷葛藤

伏候

訓示奏入

上命軍機大臣傳諭台布曰現在楚北徐添德大股

賊匪逼近白河洵陽台布亦稱楚氛甚近情形又  
非昔比岱森保處兵力雖覺稍疲經台布將所練  
鄉勇盡數留交漢中平原地方自足以資防守其  
馬玉魁所帶粵兵一千五百名不必再赴沔縣著  
卽赴慶溥溫承惠一路協力截剿如徐添德等已  
經明亮截回固屬甚善倘竟闖入陝竄務須悉力  
奮擊若能與楚省官兵兩面夾擊將徐添德等首

逆賊擒剿盡餘匪卽屬馬玉魁慶溥溫承惠三人  
之功縱不能截其入陝應在漢江以南竭力剿殺  
勿令竄至江北或又逃入南山老林以致搜捕費  
手台布接奉此旨卽著傳知馬玉魁慶溥溫承惠  
等一體遵照至所奏此次撥解甘省銀五十萬兩  
外實不能再還欠項前此松筠截留甘省銀四十  
萬六千兩請勅部歸於陝甘軍需項下報銷亦祇

可如此已飭部遵照辦理矣

同日額勒登保奏言

臣

疊據札克塔爾楊遇春

等呈報馬五張添倫等股賊匪節被我軍跟剿

已至太白山探得伍金柱冉學勝張世龍等合

成大夥又從秦州駱駝巷順渭河向東而來已

近佛殿等處該匪等向北奔逸若過渭河卽近

鳳翔府寶雞縣平原之地若徑向東趨則又可

人棧至黃牛舖草涼驛一帶均關緊要官兵現  
從太陽寺翻越山林晝夜由捷徑赴三岔黃牛  
舖攔截等情查渭河之水時漲時消灘淺處所  
易於踰過必須嚴防因副都統和興額已降爲  
防禦帶兵恐不得力隨派令提督定任馳往接  
辦與關騰王文湧等顧住渭河北岸毋令賊匪  
過河長春已降遊擊所管棧道之方石舖酒店

梁等處並派總兵德忠前往接管以昭嚴密

臣

因伍金柱冉學勝張世龍馬五張添倫等股賊  
匪既合聚一處人數自衆恐札克塔爾楊遇春  
兵力不足以資痛剿遂將穆克登布一路之兵

卽令山二郎壩楊家坪趕赴東面與札克塔爾  
等會剿

臣

是日卽自楊家店拔營帶同慶成等

漏夜馳赴唐藏維時恒瑞已由太渠抽帶官兵

在該處堵截臣卽往楊家店拿營一面查看路

徑形勢并探賊蹤穆克登布亦已趕到隨令帶兵由隘口廟兒垭往札克塔爾等一路會合臣

次日卽進隘口又接札克塔爾楊遇春等報稱連日賊匪先向渭河逃竄幸渭河北岸兵勇排列鎗礮堵禦賊匪已向東趨其勢欲奪路從棧道而出此一帶路徑又甚叢雜太渠唐藏等處



尙有恒瑞帶兵接拿營卡孟家灘桃花坪東出  
棧道之路急應嚴備札克塔爾等密派總兵九  
十帶兵於東河橋堵截又派署遊擊德楞額帶  
兵在石窪舖防堵本日賊匪由桃花坪東岔河  
分路而來札克塔爾楊遇春格布舍分派侍衛  
將領從寬灘迎截而穆克登布亦帶兵從三岔  
河出擊適俱迎截賊前兩路官兵殺賊共有一

百七八十名生擒十六名賊匪見官兵截擊甚  
緊又復折西竄孟家灘等處因亂山密林天色  
已暮不能深入我兵仍撤至黃牛舖三岔河一

帶茶營堵截訊據活賊供稱實係伍金柱等合  
爲一夥仍欲向棧道竄陝西之五郎漢陰南山

一帶聚集再往河南當經正法札克塔爾楊遇  
春穆克登布會商該匪等既思東竄料其奸謔

伎倆乘夜必復突出傳令營卡緊防該匪等果  
於三更後數路潛來偷撲經各卡官兵鎗礮齊  
發出營抄殺殲擒五十餘名賊匪仍入老山

臣

以黃牛舖一帶實爲出棧要道該處情形緊急

臣於抵隘口安設營卡後當留慶成等在彼防

堵臣於初四日五鼓卽親帶馬步兵數百名從

湖兒壩三岔河至黃牛舖等處察看地勢相機

辦理因查黃牛舖以南之紅孔舖亦甚扼要並  
令楊遇春分兵設卡是晚臣卽在黃牛舖暫駐

四更後據報賊匪有由五嶺亞旁奔隘口之信

隨一面飭知札克塔薩等在營嚴防并因隘口

兵力甚單令穆克登布帶兵前往幫同慶成剿

捕臣亦自東向西抄赴隘口賊匪於初五日黎

明時竟攢集匪衆直撲隘口營盤慶成已派兵

預備隨帶馬步兵向五嶺子迎頭進擊令副將  
游棟雲叅將王兆慶帶領兵勇從左山梁壓擊  
我兵佔據上游鎗箭所到斃賊二三十人賊仍  
向前奔突慶成帶同車森保布蘭泰催兵猛擊  
猝將賊匪衝爲兩截賊始潰亂棄其馱載騾馬  
而逃慶成與游棟雲王兆慶等乘勢督兵追至  
兩重山梁殺賊約二百餘名賊匪竄越老林往

辛家山遁去將拿獲之賊一百三十餘名嚴訊

係冉學勝探聽臣移赴黃牛舖故先帶領三四

千人前來在五嶺子潛匿如果衝過隘口伍金

柱隨後亦卽由唐藏入棧等供當卽均予正法

臣回抵隘口又慮倒灰溝有繞出唐藏之路而

穆克登布已帶兵趕赴堵截臣查該匪等蓄意

竄陝連日官兵截剿雖未能越過渭河又未能

逸出棧道尙在辛家山桃花坪先坪一帶老山  
分遁然其趨向究不可必現飭令各路官兵到  
處搜探明確卽行併力合剿惟現據沔縣稟報  
賊匪一股竄至畧陽縣境之木瓜橋衝破扎勒  
杭阿營卡並稱扎鎮不知下落臣業經飭查但  
無論何股潰亂之賊一出扎勒杭阿營卡卽入  
南鄭可達四川臣現在合兵剿辦伍金柱等股

之賊又不能分兵追躡嵩札致台布岱森保等  
嚴密防禦以杜其擾及褒城漢中節據王文雄  
稟報前竄西鄉之龍唐二逆屢經該提督帶兵  
剿殺斬獲計有五六百人賊匪去西鄉漸遠

臣

並行知王文雄就近先將南鄭一帶江岸嚴備  
候再得有沔縣確信另行酌辦又阿哈保等現  
追之賊已非高二馬五刻聞追至嶽縣一帶

臣



計算各股賊匪俱向東奔只有辛聰顏勝可魏  
棒棒等股尚在徽縣禮縣等處臣已將連日剿

辦情形寄知長麟阿哈保等令將賊匪自西北  
逼向南來以便協同剿洗再據慶溥溫承惠稟  
報楚省賊匪有竄至鄖縣之狹口一帶者有竄  
竹谿之黃龍灘一帶者漸近陝西白河境界慶  
溥溫承惠等已先後馳往堵截奏入

上命軍機大臣傳諭額勒登保曰此次賊匪伍金柱  
丹學勝張世龍馬五張添倫等合為一股蓄意竄  
陝經額勒登保分飭札克塔爾楊遇春慶成等各  
路抄擊雖殺賊無多而處處設法攔截使賊匪不  
能越過涓河逸出棧道尚屬出力可嘉現在此股  
賊匪尚在辛家山桃花坪一帶老山分遁額勒登  
保已飭令各路官兵探聽明確併力合剿自應即

此辦理向來賊匪狡獪伎倆總以分股奔逃爲牽掣官兵之計而帶兵大員皆墮其術中惟知跟蹤往來追剿辦理五年勞師糜餉迄未歲功皆由於此額勒登保自應趁賊匪竄聚一處之時奮力截擊斷不可令賊匪等向北又分爲數股或奔逆竄過渭河亦不可令其竄赴棧東折回南山又致辦理棘手至西回鳳一帶境曩相連爲陝省菁華之

地而鳳翔逼近渭河沿河地方防堵更關緊要額勒登保派令提督定住馳往防堵與關騰王文湧等顧住渭河北岸所辦甚是仍應隨時札知定住等實力守禦再賊匪攻撲隘口營盤時慶成帶同車森保等奮力進剿猝將賊匪衝爲兩截潰亂奔逃慶成等復督兵追上兩重山梁殺賊二百餘名甚爲奮勇著額勒登保查明慶成如再有出力之

處卽據實保奏候朕加恩又據奏沔縣稟報賊匪  
一股竄至畧陽縣境之木瓜橋衝破扎勒杭阿營  
卡該鎮不知下落等語扎勒杭阿在彼拿營防堵  
如果賊匪大夥衝突該鎮因衆寡不敵力戰陣亡  
自當各部議卹若因賊匪猝至畏怯退避任其衝  
過必應嚴叅按律治罪著額勒登保查明該鎮確  
切下落據實覆奏以定功罪

欽定剿平三省邪匪方略正編卷一百九十一

庚申年

七月十四日

甲午

馬慧裕奏言竊

臣

由襄城進至

邠縣之李家口駐紮挑選投効義勇確探匪徒

連日撲掠汝州之閭店等處俱經該處鄉勇截

回不能遠竄聞有官兵到來卽歸併一處屯聚

寶豐之翟家集寨內

臣

於初七日寅時鼓勵弁

兵令各裹乾糧直前進剿行抵該寨迤東有溝

一道天色甫明賊匪已由寨外自北而南沿溝  
排列陣勢俱用大小白旗馬賊三百餘人步賊  
約七八百人公然搖旗吶喊官兵施放鳥鎗大  
礮轟斃賊匪數十名內有執旗賊匪二名該匪  
仍向前抗拒候補叅將署開封府營遊擊亮祿  
首先帶領步兵躍馬過溝滿漢官兵及河內縣  
知縣劉元吉帶領義勇武生等迅奮繼進一齊

搶過溝河鎗矛立斃賊匪二百餘名奪獲賊礮  
一位鳥鎗八十餘杆刀矛器械旗幟共二百餘  
件內大白旗一面上寫天王劉之協字樣賊匪  
不能抵當退入翟家集寨內緊閉四門於寨樓  
內預先鑿孔施放鎗礮我兵奮勇逼近上攻官  
兵間有被傷該集舊有土垣周圍約七八里不  
知創自何年嘉慶元二年間楚匪逼近豫境居



民復加修葺寨牆堅實高厚四門寨樓俱係磚  
石砌成近爲匪徒佔奪臣督率官兵設法攻擊

午未間適續調之襄城營兵一百名及撫臣檄

調來郊會剿之南陽鎮官兵二百名同時趕到

隨卽分布四面圍攻至初八日卯時打破東面

寨門大隊進剿生擒僞元帥李岳並僞總兵孫

繼元搜獲白旗二面立即梟示賊見官兵勇猛

紛上土垣妄思偷竄俱被官兵殲擒臣當將潛

匿寨內賊匪督兵殲洗復斃賊六百七十餘名

搜查寨內自縊及投井者亦有三百餘名寨門

及附近各隘口截獲活賊二百三十七名逐加

訊問僉稱老師傅劉之協是總教頭並未在寨

內我等起事後他已先往別處勾結同教有總

兵孫繼元當被擒戮總兵王哲已被官兵殺死

頭目張成官尹要江俊等現已就擒羅先春亦  
先往他處約人昨已被寶豐縣拿獲先鋒劉文  
炳已經自盡尙有頭目薛三卽薛唐馬得良李  
榮法簡昨早被官兵殺敗卽時騎馬向西逃  
跑並未進寨等供當將張成官等三犯梟首其  
餘各犯或曾經習教同謀起事或甘心從賊與  
官兵打仗並放火殺人者共計四十一名立即

正法其餘審明實係被毆民人並未隨同打仗  
及婦女小孩概行釋放回家奪獲刀矛器械騾  
馬牛驢等項分賞兵勇示獎其翟家莊翟窑溝  
一併搜除並無餘匪附近村莊多有扶老攜幼  
歸來復業者地方卽時寧輯此次剿賊滿漢官  
兵及義勇等人人奮勇候補叅將亮祿尤爲首  
先出力除傷亡兵丁另容逐細查明並將隨營

辦事實任出力各官應一併查明具詳撫臣覆核分別奏咨辦理奏入

上命軍機大臣傳諭額勒登保德楞泰明亮陝西甘肅四川湖北各督撫日前據馬慧裕奏河南汝州寶豐郟縣交界地方有匪徒焚掠之事續經查明係該省教匪糾眾滋擾旋據葉縣稟報盤獲首犯劉之協係在豫省糾結夥黨又欲赴陝楚勾約同

教習事等語已派侍郎高杞前往河南查明劉之  
協是否屬實一面催令續調之吉林黑龍江兵丁  
赴豫剿辦本日馬慧裕馳奏已將寶豐等處匪徒  
千餘名悉數殲除並據從到眼目認明劉之協屬  
實劉之協爲教匪首逆各省匪黨無不崇奉勾連  
蔓延到處荼毒生靈剿辦將及五年尙未全行撲  
滅而劉之協在逃日久竊匿無蹤數年以來亦不

期卽就擒獲乃該犯仍敢在豫省地方糾結同教  
潛謀起事並欲爲陝楚教匪接應實堪痛恨仰賴  
昊穹垂慈

皇考默佑俾豫省新起教匪一千餘人立時悉數剿捕  
淨盡並因此擒獲邪教首逆多年漏網之劉之協  
明正刑誅可見教匪罪惡貫盈劫數已盡從此各  
路大兵分投剿捕定可剋期蕝事朕於欣感之餘

轉覺惻然不忍蓋教匪本屬良民祇因劉之協首  
先簧鼓遂致煽惑日多附從日衆徵兵剿辦已閱  
數年無論百姓無辜橫遭殺戮卽被勝多人亦皆  
迫於不得已並非實係同教卽真正白蓮教皆我  
大清國之赤子祇因一時愚昧躲避官法更罹重  
罪至各股賊首先後就誅者如張正謨聶傑人單  
加耀林之華齊王氏姚之富王三槐冷添祿羅其



清高均德龔建卜三聘王登廷張漢潮冉添元陳  
士奉楊開甲龐洪勝等無不身受極刑全家被戮  
雖伊等孽由自作亦係聽從劉之協倡教而起現  
在各省賊股首逆惟徐添德本屬蠹役起事有年  
其餘均係後起較之劉之協其行輩相去懸殊卽  
其夥黨中信奉情形亦萬分不及在各股賊匪甘  
心附逆到處奔逃不過因其教首尙在河南或可

糾黨相助是以擒獲賊供每有欲至河南之語今  
劉之協已在豫省被拿足見白蓮邪教獲罪於

天自取滅亡而其同教中猶有執迷不悟之徒其頑梗  
可惡其愚蠢可憐現在續調吉林黑龍江精兵剿  
此敗餘竄匪何難速行殄淨朕仰體

上天好生之仁於萬無可貸中寬以一線着經畧額勒  
登保叅贊德楞泰及各路帶兵大員並各督撫等

將劉之協擒獲一事廣爲宣播並傳諭賊營以伊等教首在河南勾結千餘人被官兵數百人一晝夜全行剿盡何況伊等么膺後起之賊敢於日久抗拒耶且首先倡教者已就誅戮伊等亦無可附從至於裹脇之人本係良善百姓何苦爲賊所累自破身家各宜速加猛省如能翻然悔悟自行投出不但可免刑誅並當妥爲安置卽實係同教匪

徒聞知教首劉之協被獲畏罪乞命棄械歸誠亦必貸其一死其各股首犯有能將他股首犯擒斬投獻者亦可免罪若經此番懇切曉諭之後仍復怙惡不悛則是伊等甘就駢誅大兵所到殲戮無遺亦氣數使然不能復加矜貸額勒登保等仍鼓勵將士分路攻擊地方文武併力一心堵者遏其去路剿者不予以暇必真就撫者方予寬貸務於

今秋迅掃賊氛莫安黎庶同膺懋賞

臣

等謹案劉之協爲邪教首犯竄匿稽誅煽  
誘愚民罪惡貫盈此次於葉縣不期就獲渠  
魁已殛苞蘖自清三捷膚功實兆於此我

皇上聖德如天猶惻然於被脇者之迫於不得已執  
迷者之愚蠢可憐

諭令經畧叅贊及帶兵大員將擒獲劉之協一事廣

爲宣布並傳諭賊營俾知首逆伏誅各自悔  
悟如能棄械投誠畏懼乞命仍當

予以一綫之寬冀其改罪

宵旰誠字

休和感召蠢茲頑民有不洗心革面者哉

同日

上諭內閣曰前因東三省官兵調赴軍營日久不無

疲乏續行調派吉林黑龍江官兵一千五百名前往更換其需用馬匹已飭令河南省上緊備辦乘騎並於直隸營馬內先後撥給入百匹解往應用因思直省額設營馬節經調撥一時不能足額着加恩於官馬內挑出堪用者入百匹撥還直隸省補足所缺營馬之數着胡季堂派員來京接收俾營馬充物足敷應用

十五日

乙未

吳熊光奏言

臣

前據汝州寶豐郊縣

各報匪徒聚眾滋事當即抽調官兵於初四日

帶領起程攢緊前進一面飛催南路官兵速由

南陽裕葉一帶趕緊兜截一面出示曉諭安撫

良民解散黨與並飛飭附近各屬團集壯勇嚴

加堵守初十日馳抵寶豐途次接據藩司馬慧

裕稟稱該匪等屯聚寶境之翟家集寨內

臣所



調南陽鎮標官兵一百名先經趕到該司卽率  
領將弁已於初七初八等日進剿痛加殲戮尙  
有頭目薛三馬得良李傑蘇法簡在逃未獲業  
經該司奏報臣思此等匪徒最慮其流竄爲患  
旬餘以來竟於寨內屯聚負固待斃實屬天奪  
其魄而積年未獲之數首剽之協又已在葉縣就  
獲此皆仰賴

皇上洪福事機極爲順利

臣

於欣幸之餘彌深兢惕

適據南召縣葉灼稟報初二日有潰匪二百餘人竄至彭山一帶查彭山在魯山縣之南與南召裕州相近此等潰竄餘氛雖屬無多但該匪當屯聚翟家寨之時尙有妻子輜重之戀今既逸出轉可任其所之且尙有二百餘人仍可沿途畏脇更恐南陽一帶餘孽復萌必須趕緊追

拿現在臣續調之南鎮兵二百名亦已趕到葉

縣卽經南陽府知府周璣會同遊擊達爾扎帶

領並原調都司苑從志所帶兵二百名一併趕

赴裕州南召一帶截捕惟該處路徑紛歧賊蹤

趨向無定現復專差飛探一面布置官兵分投

抄截臣卽馳往魯山南召一帶督率辦理再查

劉之協爲傳教首惡漏網多年據南陽府知府

周幾葉縣知縣廖寅稟報已將該犯拿獲嗣經  
該府提到扶溝縣原案內認識劉之協之店主  
柳逢春原差李廷臣等來葉互相質認均已確  
鑿查該犯既有老師傅之稱則其傳徒必廣卽  
以豫省而論如南陽歸德陳州汝寧等處皆有  
漸染邪教之徒該犯在逃已及十年所至必非  
一處若逐層根究輾轉株連恐不勝其緝捕卽

不勝其驚擾其實該犯亦不過邪教中之一人未  
獲時或尙有匪徒借其名色煽惑愚民已獲則  
與犬豕無異臣於聞報拿獲之初卽出示曉諭  
祇辦爲逆之人教匪無非鄉愚均係

朝廷赤子但能改悔仍屬良民一概不加深究以安  
反側之心因尙在剿辦教匪之時葉縣與寶豐  
接壤是以派員解省交代辦臬司糧道何銑府

訊解京辦理再據周璣廖允等稟劉之協與  
冀大榮由郊縣姜莊一同逃走至葉縣北關  
冀大榮與門兵朱中林熟識卽密向朱中林告  
知因而稟縣將劉之協同冀大榮一併擒獲是  
冀大榮不但不甘爲匪又能指首要犯尙知畏  
法現亦解省質訊臣已飭令賞給八品頂戴以  
示獎勵周璣廖寅旣能拿獲要犯且將冀大榮

舉首之處稟報並不朦混邀功尙爲實心任事  
容俟搜捕各匪完竣後如果始終出力再行奏  
請酌量

加恩奏入

上命軍機大臣傳諭吳熊光日前據馬慧裕奏稱寶  
邨教匪悉數殲除今吳熊光奏稱南召縣葉灼稟  
報初八日有潰匪二百餘人竄至彭山一帶是馬

慧裕前奏不實矣此等潰匪尙有一二百餘人之多  
仍可沿途裹脇或餘孽復萌必須趕緊追拿淨盡  
吳熊光原調官兵有四百名以之剿捕二百餘潰  
匪無難立時辦竣務當加緊奮勉悉數殲擒不可  
稍留遺孽至在逃之賊目薛三等四犯旣係頭目  
又恐率領夥黨隨處襲脇必當確切查明迅速剿  
辦現因寶邲匪徒已經辦竣所有續調吉林黑龍



江兵一千五百名令長齡帶赴陝境剿賊不過在  
豫省經過吳熊光既已帶領多兵馳往魯山南召追  
剿此項勁旅到豫時自必早已辦竣應卽知照長  
齡令其速赴陝省不必繞道至南召一帶萬一彼  
時餘匪尚在奔逃或須添兵協剿不妨與長齡商  
酌帶領勁兵協同搜捕俟餘孽淨盡再赴陝境亦  
無不可但吳熊光不得因此稍有停待總以現兵

安速辨竣爲要至教首劉之協業經扶溝縣店主  
原差互相質認均已確鑿無須羈禁省城著照前  
旨卽撥兵二百名派委署遊擊亮祿知縣劉元吉  
押解前來沿途探迎高杞一經遇見卽將劉之協  
交高杞與常佛倫保帶同豫省原解兵丁小心接  
解來京至劉之協與冀大榮逃至葉縣北關冀大  
榮卽密告門兵朱中林因而稟縣擒獲是冀大榮

指首要犯顏知大義竟當拔補把總實缺如不願  
授職亦着給予把總頂帶榮身再優加賞資門兵  
朱中林得信後卽密報該縣立時擒獲顏屬能事  
亦著拔補把總以示獎勵知縣廖寅昨已超擢知  
府賞戴花翎知府周幾或僅據該縣所報轉稟仰  
曾督同拿獲著吳熊光據實查奏候朕酌量加恩

十九日

巳

姜晟奏言

臣

於初二日自襄陽起程

接據孫清元等稟報二十六日帶兵行抵分水  
嶺適遇埋伏馬步賊匪千餘人突行衝出該鎮  
等督率將弁兵勇奮力擊敗追殺二十餘里斃  
賊二百數十人餘匪四散逃竄隨差探該匪大  
隊已由唐家坪奔竄竹山縣屬之吉陽關正係  
恰好機會定於二十七日星馳繞前截剿臣初  
五日行次穀城縣之石花街據前途探報初二

日有賊匪一股折回鄖縣紅石河一帶焚燒初  
三日賊探至均州之白浪道路梗阻臣卽在穀

城暫行停頓旋據鄖陽府鄖縣先後稟報初二  
日賊匪前股竄至鄖縣花果園適有湖南沅州  
協副將佛寧等經倭什布派帶兵丁五百名前  
赴明亮軍營遇賊接仗初四日後股賊衆繼至  
衆寡不敵該協力戰陣亡兵丁多有傷亡初五

六等日賊匪竄至均州白浪草店周府菴等處  
四散滋擾又據穀城縣探報該縣百花街西北  
已有賊探遊奕又接孫清元等初三日來稟據  
稱二十八日追至吉陽關探得賊匪竄往大小  
文峪河係出楚入陝捷徑二十九日追赴楊家  
牌樓賊已竄入陝省白河縣境初一日擬抄赴  
陝境大營盤一路截剿行至秦家坪適遇明亮

統師由房縣繞道到彼當飭該鎮出境躡剿各等情

臣

查孫清元等躡剿賊股據稱已入陝境

稟內並不知後路尙有餘匪鄖縣均州等稟報楚境賊數多寡不一其自何處折回之處亦尙未詳悉指實但賊旣東西分竄明亮等一經聞知諒無統兵全行出境追擊不顧後路之理現在附近各營並無官兵可調

臣

自初五初十

一等日三矢飛去明亮分兵剿辦一面嚴飭郡  
均穀城房保南漳各州縣原集義練各勇在於  
本境相機堵截互相守望使賊匪不敢肆竄以  
待大兵躡擊奏入

上命軍機大臣傳諭明亮日前此明亮由孫家灣追  
剿時遲走四日及趕至房縣賊匪早已西竄而明  
亮轉稱孫清元德昌行走落後希冀誘過他人此



次賊匪分股奔竄明亮自宜緊驕賊蹤痛加感戮  
何以當追捕喫緊之際復紆回繞道又致賊眾肆  
行奔突可見帶兵打仗全不認真惟擇一無賊處  
所行走而以迎頭繞赴爲詞掩飾其咎此種蒼滑  
伎倆實難逃朕洞鑒明亮係本省總兵原應與總  
督隨時關照聲息相通俾姜晟知何處緊要即可  
預爲佈置剿堵者兩有神益今總兵孫清元於賊匪

情形節次具報姜晟而明亮接到姜晟三次咨會  
竟置之不答殊屬非是從前領兵各員與地方官  
心存畛域最爲惡習豈明亮不欲成功必欲自趨  
絕地耶現在明亮已令孫清元赴陝追剿而明亮  
在何處剿捕首逆徐添德究在何股賊內或已同  
竄出境抑或仍在均穀一帶滋擾尙未據明亮具  
奏且明亮所帶均係粵東粵西生力兵丁又有索

倫馬隊更可供其馳擊所剿之賊亦祇徐添德一  
股乃避賊繞道縱令東西分竄看來明亮惟以老  
臣宿將自居並不認真出力伊受朕恩之日尙濫  
而受

皇考厚恩多年若如此貽誤國事朕豈肯尙從曲貸稍  
事姑容察之慎之

上又命軍機大臣傳諭姜晟曰明亮節次奏到楚省

賊匪情形皆言賊勢已衰不難剋期辦竣而姜晟  
奏報之摺亦屢稱兵精賊少辦理似有把握未免  
輕聽明亮之言今賊匪竄回均穀一帶勢尙猖獗  
該督在襄陽一帶與軍營相距不遠何以於該處  
賊情亦未能探聽切實姜晟着傳旨申飭現在續  
調吉林黑龍江勁兵一千五百名台之餘丁不下  
二千名已令長齡帶領徑赴楚省剿賊姜晟不妨

揚言現調索倫兵三四千名並有巴圖魯侍衛章  
京等多人帶領前進俾賊匪聞風震懾至姜晟三  
次飛咨明亮分兵剿辦總未得明亮回信一節該  
督雖未顯爲叅劾而已隱躍其詞但明亮果實有  
繞道避賊貽誤軍務之事姜晟自當據實叅奏方  
爲公正况姜晟係屬文員不能領兵打仗若明亮  
再有遲延在賊匪向東奔竄擾及完善地方又將

如何辦理姜晟接到此旨務將明亮如何繞道避  
賊及種種逗遛玩誤之處據實查奏不可稍有迴  
護或明亮此次繞道房縣本期抄往賊前並非故  
爲迂緩尙無縱賊情事祇係未經具報總督較之  
擁兵縱賊情罪尙輕亦着姜晟據實具奏至吉林  
黑龍江勁旅乘騎馬匹前已令直隸備馬八百匹  
解赴河南今又令吳熊光在豫備馬七百匹恐尙

不敷用着姜晟檄調荊州現存官馬五百匹移赴襄陽喂養以資到差騎用再竄入陝省白河境內之賊及分股折回均州者兩處賊匪共有若干首逆徐添德係在何股賊匪之內明亮此時究在何處曾否分兵顧及均州一帶如續得地方官稟報及明亮回信俱着詳細奏聞所有遇賊打仗陣亡之沅州協副將佛寧着咨部賜卹

同日吳熊光奏言竊照寶豐邳縣匪徒經馬慧

裕在翟家集剿散後有潰匪二百餘人竄往彭

山臣當卽馳赴魯山一帶佈置追捕查魯山西

南與南召內鄉嵩縣接壤該處層崗疊嶂與伏

牛山在在可通是以密飭附近各屬分布壯勇

先於西南入山後隘口把守並於魯嵩交界之

過風樓設伏一面派合署守備左傳文帶兵抄



赴南召內鄉一帶西南要路遙爲攔截南陽府  
知府周璣南召縣知縣葉灼團集義勇嚴守南  
路令遊擊達爾扎帶兵從裕州拐河自東而西  
守備吳雙奇魯山縣知縣吳昭分領兵勇由西  
北緊兜臣督領都司楊景芬帶兵由東北前進  
並密飭各路層層進逼使兵勇奏台方可倍力  
攻擊連日探報該匪在葛山莊老黎溝張山嶺

黃水河交口張良店康家莊等處焚掠沿途裹  
脇又聚有五百餘人幸各處市鎮俱有鄉勇堵  
截又聞知官兵四路兜抄該匪不能逃遁折竄  
總在魯山南召交界百數十里之內至十三日

計筭各路兵勇俱可奏合是日探得該匪分爲  
兩股在下陽四科樹地方屯聚

臣

督率都司楊

景芬帶兵趕赴下陽時已將暮該匪一見官兵

竟敢上前抗拒我兵施放連環礮斃數十人賊  
卽狂奔其時守備吳雙奇知縣吳昭等適帶兵  
勇將四科樹分股之賊剿敗追趕前來賊合兩  
股向南而遁兵勇乘勢窮追該匪竄至米兒溝  
奔上山梁臣卽令官兵暫爲歇息四面塵探路  
徑十四日黎明遊擊達爾扎亦帶兵趕到臣卽  
令楊景芬吳雙奇由山北分路而上臣並令官

兵等揚言如能拋棄鎗矛下山投降尙可貸其一死該匪公然羣聚吶喊拾石擲擊內有一人  
手執小紅旗指揮衆賊楊景芬首先搶上山梁  
將此賊方時砍倒各兵一擁而上城匪不能抵  
敵紛紛向南奔下適遇達爾扎所帶之兵益形  
慌亂各路兵勇分投追截斃賊三百餘人生擒  
七十二名餘匪四散奔竄該員弁等俱能奮勇

四處搜剿又殲擒一百餘人竟無一名漏網官兵無一人損失有受傷者七人現飭加意調治訊據拿獲活口僉供賊匪由翟家寨竄出時約共三百人原欲由米兒溝樹鼓樓竄入西山到內鄉浙川等處糾約同教再回內地搶掠不料被兵勇截住無由遠竄連日途次焚搶係薛唐楊士全爲首楊士全尤爲兇橫此次官兵搶上

山梁時已將伊殺斃當令指認卽係手執小旗  
之人業經臬示現併隨營各員遂加研訊追究  
翟家寨逃出之馬得良蘇法簡等下落實係從  
賊爲逆者概予駢誅如係脇從之人分別遞籍  
安插奪獲刀矛騾馬分賞鄉勇除出力兵勇

臣

與藩司等酌量捐賞外都司楊景芬守備吳雙  
奇知縣吳昭均屬奮勇認真其餘出力員弁及

義勇頭目容

臣

查明一併另行奏請

加恩現在遷避民人漸已回歸復業其被擾村莊

臣

督飭地方官妥爲撫卹民心俱已安靜再陝匪

西竄入甘聞額勒登保大兵尙在東面自可無

虞回竄惟連日接據探報湖北賊匪又復折回

已竄至均州之東

臣

已飛飭臬司完顏岱等督

率兵勇嚴密防守此次奉調吉林黑龍江官兵

似應請

旨令其赴楚進剿以期迅速成功至所需馬匹已蒙

勅令直晉督撫各辦五百匹臣現已飛飭軍需局趕

緊籌辦以備協濟臣在魯山料理一二日卽當

馳往鄧州老河口一帶嚴守西路奏入

上命軍機大臣傳諭吳熊光曰寶豐匪徒起事時吳  
熊光在盧氏防堵道路較遠是以未能先期趕往



今一經到彼卽將餘匪辦淨甚爲安速本日據姜  
晟奏報賊匪折回鄖縣紅石河花果園一帶並竄  
至穀城均州等處已諭令長齡將所帶吉林黑龍  
江兵卽徑赴湖北剿賊吳熊光所奏適與朕旨脗  
合可嘉之至此項勁旅其頭起已於本日自京起  
程前令直隸挑馬二百匹解往河南但計用馬匹  
較多約需二千之數現已諭令姜晟於荊州挑備

五百匹吳熊光先經飭局籌辦五百匹著再預備  
二百匹卽派委委員將所備馬匹於湖北河南交  
界地方妥爲餵養以備官兵到彼乘騎該撫務須  
預飭沿途各州縣將一應供頓車輛等項妥爲預  
備並催令官兵迅速行走赴楚協剿此時寶豐潰  
匪俱已剿淨而湖北賊匪已分股北竄均州穀城  
一帶距江岸不遠秋深水落尤應加意防守以遏

賊匪分竄之路至陝匪離豫雖遠但恐被剿緊急  
仍折回商雒一帶亦不可稍存大意吳熊光於查  
看老河口江防後卽在適中之地駐劄兼顧西南  
兩面並分飭常林田永桐完顏岱等嚴密巡防勿  
稍疎懈再現據獲犯供稱賊匪欲竄入西山到內  
鄉浙川等處糾約同教等語內鄉浙川一帶多有  
傳習教匪之人從前雖經懲辦而根株未盡吳熊

光務須留心查察倘稍有蠢動卽當立時撲滅若  
相安無事斷不可稍露聲色轉致驚擾至向來州  
縣失察竊盜等案例有處分今寶豐縣匪徒聚衆  
滋事竟有鎗礮刀矛旗幟馬有三百匹之多自係  
蓄謀已久斷非臨時猝辦該地方官平日漫無覺  
察及該管府道巡撫兩司均難辭咎吳熊光摺內  
何以全未提及著該撫將該縣教匪係何時蓄謀

鎗礮馬匹等項係從何處得來查明失察各員據  
實叅奏卽吳熊光亦當自請處分不可稍涉含混  
統俟奏到時候朕另降諭旨

上諭內閣曰竇郊匪徒前經官兵剿殺後尙有潰匪  
竄往彭山吳熊光督率將弁兵勇四面佈置分投  
追截殲戮賊匪三百餘名生擒七十二名四處搜  
剿又破擒一百餘名賊匪無一名漏網官兵無一

人損失與熊光調度合宜將士用命於數日內卽  
將竄敗餘匪殲除淨盡所辦甚屬可嘉吳熊光著  
交部從優議敘都司楊景芬首先搶上山梁將執  
旗指揮之賊立時砍倒各兵得以一擁齊上尤爲  
奮勇楊景芬著以遊擊陞用先換陞銜頂戴如未  
有花翎並著賞戴花翎以示獎勵此次搜捕潰匪  
兵丁甚爲出力著各賞給一月錢糧至守備吳雙

奇知縣吳昭及此次出力員弁兵勇著吳熊光一併查明具奏候朕酌量加恩其被賊竄擾之魯山南召等處應如何撫卹之處俟奏到時再降恩旨同日台布奏言現據王文雄來信知龍逆竄往四川太平縣之孫家壩已出陝境唐逆亦竄至界連川省之雞猴壩西鄉民人業經安堵惟楚匪逼近陝界淮明亮咨會青號徐添德等一股

由皮貨灘黃龍灘等處偷渡關入鄖縣向吉陽  
關前竄該處與陝省平利白河洵陽連界路逕  
紛歧處處可以闖入臣速派大員前往督率

防堵臣查陝省此時文武大員惟有藩司溫承

憲總兵慶溥現在平利一帶當卽飛飭該司等  
分頭嚴密攔截勿令逸入至西面伍冉等逆經  
大兵節次截剿之後尙在陝境游奕是以額勒



登保仍在隘口駐劄親督各鎮併力剿洗總兵  
札勒杭阿帶兵於沔畧適中之何家岩扎營探  
知賊匪分擾金池院派兵分路抄截以衆寡不  
敵該鎮被圍陣亡并害及叅將都司守備等員  
兵勇四散臣接據各縣稟報卽擬星馳前往而  
鳳縣居民訛傳距城之五十里草灘溝又有賊  
匪竄出之信衆情惶惑不得不照常駐紮以鎮

人心一面飛咨岱森保就近派員前往收集潰  
兵並將札勒杭阿失事之信咨商經畧具奏而  
畧陽一帶亟須派撥接防一併咨商經畧調遣  
現准額勒登保派令副都統綸布春總兵九十  
帶兵至沔縣接防此時西鄉賊氛稍遠王文雄  
兵力可以暫時騰出亦經經畧檄令星夜來南  
鄭沔縣協勦堵遏緊顧平原臣亦於發摺後馳

赴漢中相機籌應經畧大管糧石飭令陝安道  
朱勳會同鳳翔府知府崇祿督飭鳳寶等縣源  
源運供不致有誤

台布又奏言查目前賊情愈形狡滑必須添兵  
方足以資防勦計自五月底原任總兵長春於  
兩河口打仗至晚休息賊匪於三鼓潛撲營盤  
兵勇多有傷亡長春亦被圍裹直至五鼓經防

堵滴水崖守備達生潮帶兵前來救應賊衆始  
散六月十八日長麟與賊打仗亦於夜間被賊  
攻營原任將軍富成力戰陣亡官兵損失甚衆  
嗣後提督定任鍋帳驛馬全行被劫楊遇春紮  
營三岔河口賊亦夜撲營盤幸該提督早有準  
備不但並無損傷且多斬獲又經畧大營紮在  
隘口額勒登保因赴黃牛舖截剿大股賊匪亦

竟直撲營盤經總兵慶成率領將備帶兵迎擊  
適額勒登保正自黃牛舖回營兩面追趕賊始  
竄逸總兵札勒杭阿在何家岩紮營因賊匪竄  
至畧陽之金池院先後分撥兵勇分路抄截衆  
寡不敵都司李生瑞先行遇害札勒杭阿於瞭  
馬臺被圍陣亡此外尚有叅將一員守備一員  
同時被害皆四十日內之事從前賊匪遇見官

兵惟有逃逸不敢接仗且聞經畧大營所在輒繞道免脫今膽敢逞其詭計竟似窺破兵少而

疲

臣

前晤額勒登保窺其意指不肯添兵蓋深

知新兵之無用餉項之絀乏惟欲就現有之兵

儘力辦去

臣

目擊光景若仍照此辦法剿捕恐

未必迅速且此時兵力祇有楊遇春穆克登布  
札克塔爾等所帶尙屬健壯卽額勒登保處留

看老營者亦不能一律勇健此外各路可想而知一聞賊至其氣先餒但能自守或將賊轟遠焉能將賊剿淨臣受

恩深重實不忍安於緘默奏入

上命軍機大臣傳諭台布曰台布奏歷次賊匪在陝滋擾欲請添兵一摺所稱富成力戰陣亡及楊遇春營盤被賊攻撲並額勒登保前赴黃牛舖時賊

匪潛撲隘口營盤經慶成帶兵迎擊各情形早經  
額勒登保長麟等奏過卽札勒杭阿陣亡一節額  
勒登保亦曾奏及俟查明奏到時自當照例賜恤  
其所稱從前賊匪遇見官兵不敢接仗此時膽敢  
逞其詭計竟似窺破兵少力疲之語此種情節朕  
早已稔知是以凡遇軍管奏報有言及賊勢窮蹙  
者屢經降旨飭諭至再至三至陝省果應添兵剿



賊自有經畧在彼籌畫台布係屬巡撫專辦者禦  
之事何庸伊代爲奏請且據稱前晤額勒登保窺  
其意指不肯添兵係深知新兵無用餉項缺乏等  
語經畧旣知新兵無用台布寧不知之該撫究竟  
欲添調何處之兵方能得力若仍添調新兵目下  
陝甘堵剿兵丁合計三萬有餘爲數不少更可無  
須添調且台布前議增兵必須一萬有餘即便如

數調往亦屬緩不濟急台布不過見札勒杭阿陣  
亡心存匪怯又恐賊匪由甘省折回前奏所設西  
南一帶卡隘不能堵截故先爲此奏預占地步如  
賊匪衝破卡隘台布卽可以兵單不能防禦藉口  
卸罪殊不知各省添調官兵遠赴陝省正需時日  
若各卡隘防堵不力賊匪設或衝入必立將台布  
治罪卽添調之兵趕到亦已無及況剿賊機宜全

在領兵將弁決機制勝卽如賊匪前次攻撲各路  
營盤惟楊遇春早有准備轉獲勝仗而富成札勒  
杭阿竟至社賊戕害是行軍勝負全係將領之才  
與不才不在兵之多寡楊遇春等卽其明證台布  
惟有遵照節降諭旨督率分防卡隘各文武寔力  
堵守勿使賊匪一名闖入卽屬無過有功切庸鯁  
鯁過慮也至龍紹周唐大信二逆雖經王文雄擊

退竄出陝境但川境有德楞泰等大兵在彼聲勢  
壯盛該二逆必不敢竄往若被川省官兵截剿緊  
急又探知王文雄已赴南鄭沔縣一帶必恐仍回  
西鄉是該處防守事宜甚關緊要此則台布專責  
務須督飭各卡嚴密堵禦若任龍唐二逆越過卡  
隘惟台布是問再台布一聞札勒杭阿陣亡之信  
卽欲馳往又因鳳縣訛傳有賊匪竄出仍在彼駐

紫是台布先已氣餒何怪茫無定見乎此股竄近  
畧陽之賊係何賊首額勒登保所派綸布春九十  
帶兵前至沔縣是否接辦此股竄匪並著查明覆  
奏該撫已飛飭溫承惠慶溥分投攔截所辦尙是  
台布仍應嚴飭該鎮道等上緊截剿能於陝境將  
徐添德殲擒不令復行折竄方爲妥善此股竄匪  
徐添德是否在內卽着查明速奏